



Ministarstvo za rad, socijalnu politiku,
raseljena lica i izbjeglice Kantona Sarajevo



JAVNA USTANOVA
"KANTONALNI CENTAR ZA SOCIJALNI RAD"
SARAJEVO



Save the Children

MEMORANDUM O SARADNJI

Zaključen između:

Save the Children, Ljubljanska 16, Sarajevo koga predstavlja, **Nevena Milutinović**, direktorica (u daljem tekstu: Save the Children)

Ministarstvo za rad, socijalnu politiku, raseljena lica i izbjeglice Kantona Sarajevo, sa sjedištem u ul. Reisa Džemaludina Čauševića 1., Sarajevo, koje predstavlja, Ivana Prvulović, Ministrica

Javna ustanova "Kantonalni centar za socijalni rad" sa sjedištem u ul. Gatačka 80, Sarajevo, koju predstavlja, Mahir Delić, direktor.

Pozivajući se na ključnu ulogu socijalne zaštite u jačanju otpornosti djece, porodica i zajednica, djece bez pratnje i razdvojene djece na području Kantona Sarajevo, ostvarivanju većeg stepena jednakosti, te podržavanju ljudskog i ekonomskog razvoja zajednice;

Razumijevajući da je adekvatan i kvalitetan sistem socijalne zaštite jedan od ključnih prioriteta u započetim procesima sveukupnih reformi u Bosni i Hercegovini;

Svjesni potrebe za stalnom i aktivnom saradnjom, razmjenom iskustava, ideja i najboljih praksi na lokalnom nivou, u cilju približavanja socijalnog sistema Bosne i Hercegovine sistemima razvijenih zemalja Evropske unije;

Imajući u vidu dugogodišnju kvalitetnu saradnju organizacije Save the Children sa predstavnicima nadležnih institucija – Ministarstva za rad, socijalnu politiku, raseljena lica i izbjeglice Kantona Sarajevo te Javnom ustanovom "Kantonalni centar za socijalni rad" u oblasti socijalne zaštite;

Potpisnici ovog Memoranduma su saglasni da se njihova saradnja zasniva na principu uzajamnog dogovaranja, razumijevanja i potrebe zajedničkog djelovanja na unapređenju jednakog pristupa kvalitetnim i inkluzivnim uslugama iz oblasti socijalne zaštite i problema migracija na prostoru Kantona Sarajevo.



JAVNA USTANOVA
"KANTONALNI CENTAR ZA SOCIJALNI RAD"
SARAJEVO



Save the Children

Ministarstvo za rad, socijalnu politiku,
raseljena lica i izbjeglice Kantona Sarajevo

PREDMET I CILJ

Predmet saradnje podrazumijeva modalitete podrške i dogovaranja između gore navedenih potpisnika u implementaciji projekta **"Podrška "Mobilnom timu" Javne ustanove „Kantonalni centar za socijalni rad“ u odgovoru na potrebe djeci bez pratnje i razdvojenoj djeci migrantima/izbjeglicama na području Kantona Sarajevo"** (u daljem tekstu Projekat) koji implementira udruženje Save the Children u saradnji sa Javnom ustanovom „Kantonalni centar za socijalni rad“ i Ministarstvom za rad, socijalnu politiku, raseljena lica i izbjeglice Kantona Sarajevo. Primarni cilj Projekta je obezbijediti kvalitetne usluge djeci bez pratnje i razdvojenoj djeci migrantima/izbjeglicama na području Kantona Sarajevo koja se nalaze izvan privremenih prihvatnih centara ili u centrima koji nisu namijenjeni za smještaj djece.

REALIZACIJA SARADNJE

1. Modaliteti saradnje

Potpisnici ovog Memoranduma su saglasni da će se saradnja odvijati na osnovu međusobnog uvažavanja, razumijevanja i dogovaranja, a u okviru propisanih nadležnosti strana potpisnica, kroz sljedeće modalitete:

- da redovno organizuju operativne sastanke,
- da međusobno redovno dijele informacije,
- da zajedno donose odluke o upravljanju Projektom,
- da sve teškoće u provođenju ovog Memoranduma o saradnji riješe u duhu dobre volje i uz obostrani dogovor,
- da redovno prate i evaluiraju kvalitet partnerstva, kao i dogovoreno djelovanje svake strane prema utvrđenim mjerljivim pokazateljima,
- da se osigura da svo osoblje koje je u kontaktu s potpisnicama razumije modalitet saradnje i obaveze svakog od potpisnika.

U okviru saradnje definisane Memorandumom o saradnji, strane potpisnice prihvataju slijedeće obaveze i odgovornosti:

1. Save the Children će u okviru Projekta obezbijediti finansijska sredstva u iznosu od **4,515.95 KM** za sve troškove implementacije Projekta kako je navedeno u projektom Budžetu koji je sastavni dio ovog Memoranduma kao Aneks 2. (u prilogu akta).

2. Ministarstvo za rad, socijalnu politiku, raseljena lica i izbjeglice Kantona Sarajevo će putem Javne ustanove “Kantonalni centar za socijalni rad” pratiti implementaciju Projekta

3. Javna ustanova “Kantonalni centar za socijalni rad” će u okviru svoje organizacione strukture i svoje nadležnosti, u saradnji sa organizacijom Save the Children direktno implementirati projektne aktivnosti u skladu sa dogovorenom dinamikom i aktivnostima koje su detaljno opisane u dokumentu „**Prijedlog projekta**“ koji je sastavni dio ovog Memoranduma kao Aneks 1. (u prilogu akta).

Sve strane se obavezuju da će tokom i nakon završetka Projekta, nastaviti neformalno saradnju i nastaviti raditi na implementaciji aktivnosti u skladu sa vlastitim mogućnostima.

REALIZACIJA SARADNJE I KOORDINACIJA

Javna ustanova “Kantonalni centar za socijalni rad” i organizacija Save the Children će u cilju realizacije dogovorenih modaliteta saradnje i projektnih aktivnosti imenovati koordinate/kontakt osobe za potrebe bolje koordinacije i implementacije dogovorenih aktivnosti.

Sastanci predstavnika Javne ustanove “Kantonalni centar za socijalni rad” i organizacije Save the Children će se održavati najmanje jednom mjesečno ili češće u slučaju potrebe i u skladu sa planom aktivnosti.

Javna ustanova “Kantonalni centar za socijalni rad” i organizacija Save the Children će se detaljno dogovoriti u vezi svih pitanja od značaja za realizaciju projektnih aktivnosti, kao što su: nabavke radne opreme, način rada, komunikacija, izvještavanje, vođenje evidencije i ostalih troškova koji su predviđeni Budžetom (Aneks 2.) Projekta za čiju direktnu implementaciju je odgovoran Save the Children.

PROMOCIJA

Potpisnici Memoranduma obavezuju se na promociju međusobne vidljivosti u odnosima u javnom izvještavanju vezanom za dogovorene aktivnosti.

Po potrebi, potpisnici Memoranduma su saglasni da zajedničke aktivnosti promovišu i kroz prethodno usaglašena saopštenja za javnost putem sredstava javnog informisanja.

PERIOD VAŽENJA MEMORANDUMA O SARADNJI

Memorandum o saradnji na snazi je od 01.01.2023. do 28.02.2023. godine, nakon čega može biti produžen uz saglasnost svih strana potpisnica.

POVLAČENJE IZ MEMORANDUMA O SARADNJI

Svaka od strana potpisnica se može povući iz Memoranduma o saradnji na vlastiti zahtjev, uz obavještenje koje se dostavlja najmanje jedan (1) mjesec prije dana otkazivanja saradnje. Donošenju konačne odluke o povlačenju iz Memoranduma predhodi međusobni dijalog strana potpisnica, revizija aktivnosti iz Projekta i informisanje strana potpisnica o razlozima povlačenja iz Projekta.

STUPANJE NA SNAGU

Odredbе ovog Memoranduma stupaju na snagu 01.01.2023. godine.

Memorandum o saradnji je sačinjen u 3 (tri) istovjetna primjerka, od kojih svaki potpisnik zadržava po 1 (jedan) primjerak .

Svaki potpisnik zadržava i po 1 (jedan) primjerak sačinjen na engleskom jeziku.

U Sarajevu, dana, _____ 2023. godine

Potpis:

Ivana Prvulović, Ministrica



Za: Ministarstvo za rad, socijalnu politiku,
raseljena lica i izbjeglice Kantona Sarajevo

KANTON SARAJEVO

Broj: ✓

Potpis:

Mahir Delić, Direktor



Za: Javna ustanova „Kantonalni centar za
socijalni rad” Sarajevo

Prilozi:

Potpis:

Nevena Milutinović, Direktorica

Save the Children
in North-West Balkans

Za: Save the Children

- Aneks 1. – Projektni prijedlog
- Aneks 2. – Budžet projekta

Aneks 1. – Projektni prijedlog

Prijedlog projekta

1. Opće informacije

Naslov projekta	"Podrška "Mobilnom timu" Javne ustanove „Kantonalni centar za socijalni rad“ u odgovoru na potrebe djeci bez pratnje i razdvojenoj djeci migrantima/izbjeglicama na području Kantona Sarajevo"				
Lokacija projekta	Kanton Sarajevo				
Datum početka projekta	01.01.2023.	Datum završetka projekta	28.02.2023.	Trajanje projekta (broj mjeseci)	2
Ukupan iznos projekta	4,515.95 KM				
Ciljne grupe projekta	Djeca bez pratnje i razdvojena djeca migranti/izbjeglice na području Kantona Sarajevo (u daljem tekstu: djeca bez pratnje) koja se nalaze izvan privremenih prihvatnih centara ili u centrima koji nisu namijenjeni za smještaj djece (npr. Privremeni prihvatni centar Blažuj).				
Kontakt osoba	Mahir Delić , Direktor Javna ustanova "Kantonalni centar za socijalni rad" ul. Gatačka 80., Sarajevo Tel: 033 723-640; Fax: 033 723-641 e-mail: info@kcsr.ba				
Kratak opis projekta	„Mobilni tim“ koji djeluje pri Javnoj ustanovi „Kantonalni centar za socijalni rad“ (u daljem tekstu: "Mobilni tim" Centra) podržan socijalnim radnikom i kulturološkim medijatorom /prevodiocem, koje angažuje Save the Children, pruža pomoć i podršku djeci bez pratnje, a koja se nalaze izvan zvaničnih privremenih prihvatnih centara ili unutar centara koji nisu namijenjeni za smještaj djece kroz: identifikaciju najugroženijih slučajeva; pratnju do mjesta gdje su ili će biti smještena; pružanje esencijalnih usluga, pružanje podrške u postupku registracije, pružanje podrške u obezbjeđenju zaštite kroz saradnju s organizacijama i institucijama vladinim i nevladinim kako bi se osiguralo da djeca mogu ostvarivati svoja prava i pristupiti potrebnim uslugama.				

Sve aktivnosti se provode u saradnji sa mobilnim timovima koji djeluju pri organizaciji Save the Children i Međunarodnoj organizaciji za migracije (IOM), a koja upravlja prihvatnim centrima i drugim relevantnim organizacijama i institucijama.

2. Pregled: Analiza konteksta (pozadina) i procjena problema / potreba

Javna ustanova „Kantonalni centar za socijalni rad“ (u daljem tekstu: Centar) je Javna ustanova čiji je osnivač Kanton Sarajevo. Na čelu Centra je direktor, a svoju djelatnost Centar obavlja u okviru zakona, putem općinskih službi socijalne zaštite.

Zaposlenici Centra, stručne poslove i zadatke izvršavaju putem interdisciplinarnih stručnih timova. Stručne timove čine profesionalci iz oblasti socijalnog rada, pedagogije, psihologije, psihoterapije i prava.

Centar u svojoj misiji između ostalih ima za zadatak doprinosti izgradnji zajednice, pružanjem mjera i usluga socijalne i porodično pravne zaštite svojim građanima, u skladu sa svojim mogućnostima i kapacitetima.

Centar, pored drugih poslova i zadataka propisanih zakonskim i podzakonskim aktima, obezbjeđuje i pruža neposrednu socijalnu i porodično pravnu zaštitu pojedincima i porodicama, koje se nalaze u stanju potrebe.

U radu Centra zastupljeni su postupci, instrumenti i metode, čiji je cilj dijagnosticiranje, analiziranje i rješavanje slučajeva.

Osnovni cilj Centra, je postizanje što boljeg kvaliteta rada, te kvalitetno i uspješno pružanje usluga i zaštite korisnika, a time i rješavanje socijalnih problema i potreba. Pružajući oblike i usluge iz porodično pravne i socijalne zaštite, regulišući veliki broj materijalnih davanja, Centar također, pruža i mnoge nematerijalne usluge. U domenu nematerijalnih usluga procedure su vrlo složene i pretpostavljaju specijalizovane usluge socijalnog, psihološkog, pedagoškog i pravnog rada.

U svom profesionalnom radu, pružajući usluge, pomoć i zaštitu svojim korisnicima, Centar koristi multidisciplinarni i multimetodski pristup koji uključuje individualni rad, grupni socijalni rad i rad sa porodicom, te po potrebi i psihoterapeutski rad. Osnovne nadležnosti Centra su; socijalna zaštita, zaštita porodice i djece (posredovanje, usvojenje, starateljstvo, izdržavanje i hraniteljstvo) te zaštita i tretman djece i omladine sa poremećajem u ponašanju i članova porodice.

Organizacione jedinice Centra su službe i to kako slijedi:

1. Služba socijalne zaštite općine Stari Grad
2. Služba socijalne zaštite općine Centar
3. Služba socijalne zaštite općine Novo Sarajevo
4. Služba socijalne zaštite općine Novi Grad
5. Služba socijalne zaštite općine Ilidža sa odjeljenjem Trnovo
6. Služba socijalne zaštite općine Hadžići
7. Služba socijalne zaštite općine Vogošća

8. Služba socijalne zaštite općine Ilijaš
9. Služba za hraniteljstvo
10. Služba za pravne poslove i koordinaciju
11. Služba za opšte poslove, edukaciju i saradnju sa međunarodnim i domaćim nevladinim organizacijama
12. Služba za računovodstvo i finansije

Centar će u saradnji sa Save the Children-om unaprijediti odgovor na potrebe djece bez pratnje koja se nalaze izvan privremenih prihvatnih centara u Kantonu Sarajevo ili unutar prihvatnih centara koji nisu namijenjeni za smještaj djece kroz podršku i jačanje već postojećeg „Mobilnog tima“ Centra, a čije je stavljanje u funkciju inicirao Save the Children kroz implementiranje Projekta „Dnevni centar“ kako bi odgovorio na potrebe djece koja borave, rade ili žive na ulici, te potrebe druge djece u riziku.

„Mobilni tim“ Centra je postao dio sistemskog rješenja 2015. godine, kada ga je preuzeo Centar.

Organizacija Save the Children je sa Centrom postigla dogovor o pružanju podrške u smislu povećanja kapaciteta postojećeg „Mobilnog tima“ Centra, kroz finasiranje određenih aktivnosti te zapošljavanje dodatnog osoblja (socijalnog radnika i kulturoloških medijatora/prevodioca) a sve s ciljem;

- uključivanja „Mobilnog tima“ Centra u rad sa djecom bez pratnje koja se nalaze u i izvan privremenih prihvatnih centara u Kantonu Sarajevo,
- uvođenja produženog radnog vremena za članove „Mobilnog tima“ Centra.

Na ovaj način bi se pokrila sva mjesta gdje se okupljaju djeca bez pratnje (moteli, napuštene kuće i zgrade te druga mjesta kao što su raskrsnice i ulice) i istovremeno djelovalo na terenu u vremenu kad je uočeno da se djeca bez pratnje kreću, a sve s ciljem njihove identifikacije i pružanja podrške.

Korisnici usluga Projekta

„Mobilni tim“ Centra će, uz podršku angažovanog socijalnog radnika i kulturološkog medijatora/prevodioca pružati pomoć i podršku djeci bez pratnje koja se nalaze izvan privremenih prihvatnih Centara ili u centrima koji nisu namijenjeni za smještaj djece, uključujući: identifikaciju najugroženijih slučajeva, pružanje podrške i saradnju sa drugim relevantnim organizacijama i institucijama koje su uključene u odgovor na migrantsku krizu, a sve s ciljem da se osigura, da djeca bez pratnje koja borave van i unutar kampova mogu ostvarivati svoja prava i pristupiti potrebnim uslugama i servisima (zdravstvenim, socijalnim, obrazovnim i dr.)

Broj planiranih direktnih korisnika: 150

Planirani broj korisnika se može mijenjati u skladu sa promijenljivim kontekstom migracija i brojem djece u potrebi.

3. Strategija intervencije / Obrazloženje projekta

Pored određenog broja djece bez pratnje koja se nalaze u privremenim prihvatnim centrima za migrante i izbjeglice Ušivak i Blažuj, procjenjuje se da se između 500 i 1.000 osoba nalazi izvan pomenutih centara na području Kantona Sarajevo. Tačan broj je nemoguće utvrditi zbog poteškoća u identificiranju mjesta gdje izbjeglice odnosno migranti zaista borave. Mnogi se često kreću između kampova, napuštenih zgrada, džamija, hostela i privatnih smještaja.

U drugoj polovini januara 2020., veliki broj organizacija koje rade na terenu izvan kampova u Sarajevu su kontaktirali Save the Children tražeći podršku jer su prema navodima naišli na najmanje 40-ro djece bez pratnje koju su identifikovali izvan kampova. Sumnja se da bi taj broj mogao biti mnogo veći. Ključni intervjuisani informatori i partneri Save the Children ocijenili su da je jedan od najvećih nedostataka nepostojanje jasnog protokola/referalnog mehanizma za upućivanje djece bez pratnje prema kampovima, posebno tokom vikenda i noći. Trenutno, Crveni krst/križ i DRC imaju svoje mobilne timove koji ne mogu zadovoljiti izražene potrebe. Otuda potreba za dodatnim angažmanom osoba u "Mobilni tim" Centra koji ima stručna znanja i iskustva u radu sa djecom i koji bi bio dostupan 24/7 što bi omogućilo da se djeca bez pratnje adekvatno identificiraju, da se provede prva hitna procjena potreba i da se posreduje u postupku njihove registracije, te da se upućuju ili proprućaju do mjesta gdje će biti smještena ili do drugih servisa čija usluga im je potrebna.

Pored toga, referali za zaštitu djece bez pratnje u privremenim centrima uglavnom ne postoje ili mogu biti boljeg kvaliteta. Referali se često zasnivaju na neformalnim vezama i kontaktima između osoblja koje radi na prvoj liniji, a bez odgovarajućeg pismenog traga. To je razlog zbog kojeg će Save the Children organizovati radionice o zaštiti djece bez pratnje namijenjene za sve aktere dječije zaštite unutar privremenih prihvatnih centara za migrante i izbjeglice, kako bi osoblje koje radi sa djecom razvilo odgovarajuće mehanizme za upućivanje, izvještavanje i odgovor.

Save the Children je sa Centrom dogovorio saradnju i podršku „Mobilnom timu“ Centra kako bi se povećali njegovi kapaciteti i stvorile pretpostavke da isti proširi svoju ciljnu grupu na djecu bez pratnje koja borave unutar i van prihvatnih centara u Sarajevu.

„Mobilni tim“ Centra će pored rada u propisanom radnom vremenu imati organizirano dežurstvo u periodu od 24 sata 7 dana nedeljno. Uz redovne aktivnosti koje provodi „Mobilni tim“ Centra će obilaziti ključna mjesta gdje se okupljaju djeca bez pratnje, kao i privatne smještaje, napuštene zgrade i druga neformalna ili poluformalna skloništa, kako bi identifikovali djecu bez pratnje.

Planirano je takođe da „Mobilni tim“ Centra saraduje sa drugim UN-ovim agencijama, nevladinim organizacijama, volonterima, policijom i drugim subjektima koji rade na terenu u cilju odgovora na migrantsku krizu.

Po prijavi drugih UN-ovih agencija, nevladinih organizacija i volontera angažovanih u migrantskoj krizi „Mobilni tim“ Centra izlazi na teren, obavlja prvu hitnu procjenu potreba i osigurava djeci bez pratnje pristup i pratnju do mjesta gdje su smještena, medicinske ustanove ili im pruža druge usluge. „Mobilni tim“ Centra će raditi i s djecom bez pratnje koja odbijaju biti smještena u prihvatne centre na način, da će ih informisati o rizicima i objašnjavati im njihove zakonske mogućnosti i prava.

„Mobilni tim“ Centra će uspostaviti saradnju s mobilnim timovima koji djeluju pri DRC-u i Crvenom krstu/križu, kao i s volonterima koji identificiraju djecu ali nemaju nadležnost da ostvaruju s njima kontakt ili poduzimaju bilo kakve radnje, kao ni znanja i stručnost iz oblasti zaštite prava djece.

Zaposleni u Centru će u saradnji sa „Mobilnim timom“ Centra i terenskim socijalnim radnicima angažovanim putem različitih nevladinih organizacija za rad u prihvatnim centrima poduzimati sve mjere i radnje usmjerene na identifikaciju djece bez pratnje koja su registrovana kao član porodice lica u čijoj je pratnji u TRC Blažuj, te raditi na njihovom hitnom premještanju u PPC Ušivak.

Terenski socijalni radnici angažovani ispred različitih nevladinih organizacija će takođe kontinuirano pratiti pojedinačne slučajeve djece, po potrebi i po zahtjevu Centra razmjenjivat će informacije koje se tiču djece, uz potpuno poštovanje pravila i standarda zaštite podataka i privatnosti, te će pružati individualnu podršku, gdje je to moguće, fokusirajući se na PPC Ušivak, gdje su djeca upućena na smještaj.

Socijalni radnici zaposleni u Centru će, socijalnim radnicima (koje su angažovale nevladine organizacije) koji su postavljeni za zakonskog staratelja djeci bez pratnje u PPC Ušivak, pružati podršku i pomoć u skladu sa odredbama Porodičnog zakona Federacije Bosne i Hercegovine, a koje se odnosi na starateljstvo.

Članovi „Mobilnog tima“ Centra će raditi na motivisanju djece bez pratnje kao i djece koja su registrovana kao članovi porodice lica u čijoj su pratnji u TRC Blažuj, za registraciju u Službi za poslove sa strancima.

Na ovaj način „Mobilni tim“ Centra se direktno uključuje u uspostavljeni mehanizam koji pokušava odgovoriti na migrantsku krizu.

S ciljem što kvalitetnije zaštite djece bez pratnje „Mobilni tim“ Centra će razmjenjivati informacije sa socijalnim radnicima iz Tuzlanskog ili Unsko-Sanskog Kantona, kojima su djeca bez pratnje poznata putem, direktnih i službenih kanala komunikacije (kao što su npr e-mail, Viber ili WhatsApp grupe itd.).

„Mobilni tim“ Centra će svojim prisustvom na terenu osigurati djeci bez pratnje tačne, pouzdane, pravovremene i ažurirane informacije o trenutnoj situaciji u Bosni i Hercegovini i regiji, pravnom statusu i dostupnim zakonskim mogućnostima, skloništu, drugim pravima i dostupnim uslugama (medicinsko zbrinjavanje, psihosocijalna podrška, hrana, neprehrambeni artikli, higijena, razne radionice za izbjeglice / migrante itd.).

„Mobilni tim“ Centra će staviti poseban naglasak na prednosti identifikacije i registracije djece bez pratnje i objasniti im koje su moguće kazne ako registracija ne odražava njihov status i dob.

4. Dizajn Projekta

Sveukupni cilj ovog Projekta je da se djeci bez pratnje omogući pristup odgovarajućim i ciljanim službama dječije zaštite i da se njihova prava poštuju.

Rezultati

1. Ojačan sistem podrške djeci bez pratnje kroz jačanje „Mobilnog tima“ Centra.
2. 75% djece bez pratnje izvan centara će dobiti podršku od strane „Mobilnog tima“ Centra, a koja je precizirana ovim Projektom.

Aktivnosti

1. „Mobilni tim“ Centra, uz podršku angažovanog socijalnog radnika i kulturološkog medijatora/prevodioca će pružati pomoć i podršku djeci bez pratnje (van i unutar kampova) na području Kantona Sarajevo, a koja uključuje: identifikaciju najugroženijih slučajeva, pratnju do mjesta gdje su ili će biti smještena; pružanje podrške u postupku registracije, pružanje podrške u obezbjeđenju zaštite kroz saradnju s organizacijama i institucijama vladinim i nevladinim, kako bi se osiguralo da djeca mogu ostvarivati svoja prava i pristupiti potrebnim uslugama i servisima (zdravstvenim, socijalnim, obrazovnim i dr)..
2. „Mobilni tim“ Centra će osigurati razmjenu relevantnih podataka o djeci bez pratnje koju je evidentirao i podržavao u Kantonu Sarajevo, a koja su upućena ili su samostalno stigla u Unsko Sanski i Tuzlanski Kanton. Razmjenu podataka sa vladinim i nevladinim organizacijama koje pružaju podršku djeci bez pratnje u Unsko-Sanskom i Tuzlanskom Kantonu "Mobilni Tim" Centra će osigurati poštujući pravila i standarde zaštite podataka i privatnosti.

5. Upravljanje i implementacija Projekta

Za implementaciju Projekta ispred Javne ustanove „Kantonalni centar za socijalni rad“ odgovorna osoba je Direktor ustanove, dok je ispred organizacije Save the Children odgovorna osoba Lider tima za odgovor na migrantsku krizu, koji u koordinaciji i saradnji donose odluke i dogovaraju eventualne izmjene u planu aktivnosti i budžetu.

„Mobilni tim“ Centra je odgovoran Direktor Centra i redovno ga informiše o aktivnostima kao i o svim pitanjima od značaja za provedbu Projekta.

„Mobilni tim“ Centra saraduje sa osobljem Save the Children-a koje prati i učestvuje u realizaciji aktivnosti iz Projekta .

Monitoring i evaluacija

Monitoring Projekta se vrši na osnovu nedeljnog izvještaja dostavljenog od strane "Mobilnog tima" Centra, Lideru Timu za odgovor na migrantsku krizu koji je odgovorna osoba ispred Save the Children-a na formatu izvještaja određenom od strane Save the Children-a.

Lider Timu za odgovor na migrantsku krizu procjenjuje potrebu dodatnih sastanaka ili aktivnosti na osnovu mjesečnih izvještaja.

Monitoring implementacije Projekta će vršiti u saradnji svi partneri na osnovu prethodno postavljenih indikatora od strane Save the Children-ovog odjela za MEAL (monitoring i evaluaciju).

6. Analiza rizika

- Moguće povećanje ili smanjenje broja djece bez pratnje izvan prihvatnih centara
- Nemogućnost pristupa djeci bez pratnje (odbijaju kontakt i saradnju sa "Mobilnim timom" Centra)

7. Održivost

Nakon završetka finansijske podrške od strane Save the Children-a, „Mobilni tim“ Centra će nastaviti provoditi aktivnosti i pružati podršku djeci bez pratnje, ukoliko za istu budu obezbijedena finansijska sredstva i kadrovski kapaciteti.